

# PABRON COUGH & SINUS SYRUP

Triprolidine Hydrochloride/Pseudoephedrine Hydrochloride/Guaiphenesin (1.25mg/30mg/100mg per 5ml)

## Apakah yang ada pada risalah ini

1. Apakah kegunaan PABRON COUGH & SINUS
2. Bagaimana PABRON COUGH & SINUS berfungsi
3. Sebelum mengambil PABRON COUGH & SINUS
4. Cara menggunakan PABRON COUGH & SINUS
5. Semasa menggunakan PABRON COUGH & SINUS
6. Kesan-kesan sampingan
7. Cara penyimpanan dan pelupusan PABRON COUGH & SINUS
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Risalah ini menjawab beberapa soalan lazim tentang PABRON COUGH & SINUS. Ia tidak mengandungi semua maklumat yang tersedia. Ia juga tidak menggantikan tempat ahli farmasi atau doktor anda.

Semua ubat mempunyai risiko dan manfaat. Ahli farmasi atau doktor anda telah mempertimbangkan risiko anda mengambil PABRON COUGH & SINUS berbanding manfaat yang mereka jangka untuk anda.

Simpan risalah ini bersama ubat. Anda mungkin perlu membacanya lagi.

## Apakah kegunaan PABRON COUGH & SINUS

PABRON COUGH & SINUS digunakan untuk melegakan gejala gangguan pada bahagian atas saluran pernafasan yang disertai dengan batuk yang produktif.

## Bagaimana PABRON COUGH & SINUS berfungsi

PABRON COUGH & SINUS mengandungi bahan aktif triprolidine hydrochloride (HCl), pseudoephedrine HCl dan guaiphenesin.

**Triprolidine hydrochloride (HCl)** tergolong dalam kumpulan ubat yang dipanggil antihistamina. Ia berfungsi dengan menyekat bahan semulajadi tertentu (histamina) yang dihasilkan oleh badan anda semasa reaksi alahan.

**Pseudoephedrine hydrochloride (HCl)** adalah dekongestan yang berfungsi dengan mengecutkan saluran darah dalam saluran hidung. Ini membantu melegakan kesesakan hidung atau hidung tersumbat.

**Guaiphenesin** adalah ekspektoran yang digunakan untuk melegakan gejala keadaan pernafasan yang berkaitan dengan batuk yang produktif, dengan kehadiran lendir dalam saluran pernafasan. Ia berfungsi dengan mengurangkan kelikatan mukus tebal.

Tanya ahli farmasi atau doktor anda sekiranya anda mempunyai sebarang pertanyaan tentang ubat ini.

## Sebelum mengambil PABRON COUGH & SINUS

### -Bila tidak boleh mengambil

Jangan mengambil PABRON COUGH & SINUS jika anda alah kepada triprolidine HCl, pseudoephedrine HCl, guaiphenesin atau mana-mana bahan dalam ubat ini.

Jangan mengambil PABRON COUGH & SINUS sekiranya anda mengalami keadaan berikut:

- tekanan darah tinggi yang serius dan penyakit arteri koronari (masalah jantung)
- mengambil monoamine oxidase inhibitor (antikemurungan) dalam tempoh 2 minggu lepas.
- batuk yang berterusan atau berpanjangan

### -Sebelum mula mengambil

Rujuk kepada doktor atau ahli farmasi anda jika anda mempunyai:

- tekanan darah tinggi
- Penyakit jantung
- kencing manis
- kelenjar tiroid terlalu aktif
- tekanan dalam mata meningkat
- Pembesaran prostat
- masalah buah pinggang
- masalah hati

### Kehamilan dan penyusuan:

Tanya doktor atau ahli farmasi anda untuk mendapatkan nasihat sebelum penggunaan ubat ini sekiranya anda hamil atau menyusui. Pseudoephedrine, triprolidine dan guaiphenesin dirembes ke dalam susu ibu tetapi kesan ke atas bayi yang diberi susu ibu tidak diketahui.

### -Jika mengambil ubat-ubat lain

Maklumkan ahli farmasi atau doktor anda sekiranya anda sedang mengambil apa-apa produk lain (misalnya ubat yang dibeli tanpa preskripsi doktor, ubat yang dipreskripsikan dan produk-produk herba).

Penggunaan agen simpatomimetik seperti dekongestan, tricyclic antidepressant, amphetamine-like psychostimulants dan monoamine oxidase inhibitors, kadang-kala boleh menyebabkan peningkatan tekanan darah.

Kandungan pseudoephedrine mungkin mengganggu fungsi ubat penyekat *alpha* dan *beta*.

Elakkan pengambilan alkohol atau sebarang ubat berunsur sedatif.

Sila rujuk kepada doktor atau ahli farmasi jika anda tidak pasti sama ada anda sedang mengambil mana-mana ubat tersebut.

### **Cara menggunakan PABRON COUGH & SINUS**

#### -Berapa banyak harus digunakan

**Dewasa dan kanak-kanak berumur lebih dari 12 tahun:**  
10ml

**Kanak-kanak berumur 6-12 tahun:**  
5ml

**Kanak-kanak berumur 2-6 tahun:**  
2.5ml

**Jangan berikan ubat ini kepada kanak-kanak yang berumur bawah 2 tahun. Untuk digunakan dengan berhati-hati dan atas nasihat doktor atau ahli farmasi bagi kanak-kanak 2 hingga 6 tahun.**

#### -Bila perlu digunakan

PABRON COUGH & SINUS boleh diambil tiga kali sehari atau seperti yang diarahkan oleh doktor atau ahli farmasi anda.

#### -Berapa lama perlu digunakan

Teruskan penggunaan ubat ini untuk tempoh masa yang ditetapkan oleh doktor anda

#### -Jika terlupa menggunakan

Ambil dos yang terlepas sebaik sahaja anda teringat. Sekiranya sudah hampir masa untuk dos seterusnya, abaikan dos terlepas dan tunggu untuk mengambil dos

seterusnya pada masa biasa. Jangan ambil dos berganda untuk menggantikan dos yang tertinggal.

#### -Jika mengambil berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera. Bawa sebarang baki ubat bersama anda.

Simptom berikut mungkin berlaku jika terlebih dos:

- ketidakelesuan gastrousus
- loya
- muntah-muntah
- mengantuk
- kelesuan
- pening
- gangguan koordinasi otot
- rendah tona otot
- gangguan pernafasan
- kekeringan kulit dan membran mukus
- takikardia (kadar degupan jantung yang cepat)
- tekanan darah tinggi
- kenaikan suhu badan melebihi paras normal
- hiperaktif
- mudah marah
- sawan
- kesukaran membuang air kecil

### **Semasa menggunakan PABRON COUGH & SINUS**

#### -Perkara yang perlu dilakukan

Ambil ubat anda mengikut arahan doktor.

Beritahu doktor anda dengan segera jika anda hamil semasa menggunakan ubat ini.

Jika anda bercadang untuk memulakan pengambilan ubat baru yang lain, maklumkan ahli farmasi

atau doktor anda yang anda sedang mengambil PABRON COUGH & SINUS.

#### -Perkara yang tidak boleh dilakukan

Jangan mengambil lebih daripada dos yang disyorkan melainkan dibenarkan oleh doktor anda.

Jangan mula mengambil sebarang ubat baru tanpa berbincang dengan doktor atau ahli farmasi anda.

Jangan memberi PABRON COUGH & SINUS kepada sesiapa, walaupun mereka mempunyai simptom atau penyakit yang sama.

#### -Perkara yang perlu diberi perhatian

PABRON COUGH & SINUS boleh menyebabkan rasa mengantuk dan menjejaskan prestasi dalam ujian kewaspadaan pendengaran. Jangan memandu atau mengendalikan jentera jika terjejas.

### **Kesan-kesan sampingan**

Semua ubat boleh mendatangkan kesan sampingan. Kadang kala ia serius, tetapi tidak serius pada kebanyakan masa.

Kesan-kesan sampingan yang mungkin dihadapi:

- Mengantuk
- Kesukaran untuk tidur
- mulut kering
- penglihatan kabur
- Sembelit
- Ruam kulit
- Menggeletar
- Keresahan
- Mudah marah
- Kegelisahan
- Loya
- Muntah
- gangguan gastrousus
- Jantung berdebar-debar
- Pengekalan kencing

Anda boleh melaporkan sebarang kesan sampingan atau kesan advers ubat terus kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web [npra.moh.gov.my](http://npra.moh.gov.my) (*Public → Reporting Medicinal Problems / Side Effects / AEFI / Vaccine Safety*).

**Cara penyimpanan dan pelupusan PABRON COUGH & SINUS**

-Penyimpanan

Simpan di bawah 30°C.  
Jauhi daripada kanak-kanak.

-Pelupusan

Lupuskan ubat selepas tarikh luput. Sila dapatkan nasihat ahli farmasi tentang cara pelupusan sebarang ubat yang tidak digunakan lagi. Ubat-ubatan tidak harus dilupuskan melalui air buangan atau sisa isi rumah. Langkah-langkah ini dapat membantu melindungi alam sekitar.

**Maklumat lanjut**

-Rupa dan warna produk

PABRON COUGH & SINUS adalah sirap coklat gelap dengan perisa herba, boleh didapati dalam botol plastik ambar PET 120ml.

-Bahan-bahan kandungan

-Bahan-bahan aktif:

Setiap 5ml sirap mengandungi:-

- *Triprolidine hydrochloride (HCl)* 1.25mg
- *Pseudoephedrine hydrochloride (HC)* 30mg
- *Guaiphenesin* 100mg

-Bahan-bahan tidak aktif:

*Propylene Glycol, Sodium Benzoate, Sorbitol Solution 70%, Herbal Flavor, Liquid Caramel, Menthol, Saccharin Sodium & Purified Water.*

-Nombor MAL: MAL05101679ACZ

**Pengilang**

Xepa-Soul Pattinson (M) Sdn Bhd  
1-5 Cheng Industrial Estate  
75250 Melaka,  
Malaysia.

**Pemegang Pendaftaran Produk**

HOE Pharmaceuticals Sdn. Bhd.  
Lot 10, Jalan Sultan Mohd. 6,  
Bandar Sultan Suleiman,  
42000 Port Klang, Selangor,  
Malaysia.

**Tarikh kemaskini RiMUP**

30/08/2017

**Nombor Siri:**

NPRA(R4/1)300817/00241